

四庫全書

集部

欽定四庫全書

集部

御製詩五集卷十六

欽定四庫全書

御製詩五集卷十六

古今體八十四首

乙巳六月

泉宗廟瞻禮

視朝有事復還宮路便泉宗廟據中瞻禮瞥然成隔歲

抒誠莫匪為農功新松籠戶枝交榦

是廟建於丙戌至丁亥春落成閱今

二十年所種新松已交榦成陰矣

夏卉繞階花滿叢春雨固佳顯再霈

辦香應鑒此深衷

依綠軒

一歲軒窓一兩披灑然松竹又斯時高枝低葉含新色
西抹東塗滿舊詞月霽風光寧有改秋黃冬落付無知
設如依處循名者惟念於民綠舍斯

挹源書屋

萬泉豈真萬多實則誠多全是北流水泉宗廟建於萬泉莊地高於暢

春園及園明園故水皆北流

半資南去河

萬泉莊泉雖多然以稻田廣闊又輸為御園湖沼故

水常憂其不足乃資長河之南自西頂廣仁橋流入京師者於其東岸設涵洞分瀉至泉宗廟轉而北流亦天

地自然挹源茲信易問學可同麼細繹題檐額惟增愧
之利也

若何

扇淳室口號

江南室樣肖為之綴景無過偶一時設曰淳風扇比戶
顧名乃謂不相宜

題集遠堂

一歲能幾至應乘此日間巖堂蹠步迴渠几坐吟間遊
目無遮望拈鬚識老顏如云心集遠祇在豫民艱

河北
衛輝

等屬被旱至今尚未報
得透雨縫念日甚一日

曙觀樓

首夏日輪東北昇層樓出牆拾級登曙觀之名真足副
滄涼旦氣和而清下視水田鱗疊好今年秋較常年早
泉宗廟一帶水田鱗次未至芒種夏長秋收期尚長此
稻秧已出水數寸實較常年為早
時敢即期萬寶

題明綠端石蘭亭硯

硯寫蘭亭不一足

內府收藏舊硯刻繪蘭亭觴詠曾經題句者不一而足

又看觴

詠奔天球

是硯以綠端石為之有吳郡周天球銘三十六字

得皮誰者誰得骨

把筆之時憶此不

馬遠竹鶴二首

首章用畫中題句韻次章詠事

布景期神弗期格分明馬遠署臣名
胎仙近遠相鳴和繪也義經與註成

若無若有望中迷獨立黃冠仙客攜
識賞分明印坤卦

何云為壽賜都提

是圖畫竹鶴下方署臣馬遠款上方鈐坤卦印一楊氏書印一題云賜王

都提舉為壽按楊氏係寧宗皇后之妹書史會要稱馬達畫多其所題但以宮闈題識賜達外廷臣下殊非禮也

詠官窰方鑪

陶器如立身圓易方難為張禹圓融流朱雲方正持以此品其第高下原堪知磁鑪實官窰成於修內司爾時蔡與王

謂蔡京王黼尚不如張禹重貫梁師成輩更不必言矣

較張禹猶差論器

寓論世用人可弗思圓餅已屢見方者惟見斯久置檀架間未詠誠孤其炷檀烟直上氣求念在茲

雨

四月二十五日

問夜夜將殘興雲雲勢寬忽聞雷輶旋落雨闌干窓
氣侵薄冷簷聲垂急湍傳宣停御殿衣濕慮千官

昨因御殿

還宮二十五日寅卯間正值雷雨簷溜如注視朝不
過舉行常例慮官員等沾濕衣履因侍諭侍止行禮

西直門外二首

詰曙雨零罷視朝御園旋蹕路非迢顧瞻綠野增顏色
麥穗含漿黍潤苗

行行雲勢向南馳盡善心殷復惜之却向豫齊遙致禱

即斯甘霽願優施

雨

四月廿七日

今日雨二寸前朝一寸餘雖未致深透繼潤欣澤濡略
惜欠優渥不知足惟予雲勢率南去膏霽應隨諸或者
齊與豫甘霖被霈乎佇望佳音報問驛心殷如

漢建安甄太極硯歌

晉唐硯已稱最古未央銅雀以九數

內府所有晉硯二唐硯七又漢未央

瓦硯三銅雀瓦硯六茲建安甄硯色黝墨池刻茲乃漢
作太極圖硯背有建安十五年造隸書六字

輒識建安想亦銅雀之侶伍墨池刻作太極形陰以為
凹陽為凸宜贈深於易者人綈几瞠乎慙相輔用周易泰卦大

象語

宋旭天香書屋

高人無事坐匡牀繞舍楓丹松栢蒼著相底須認桂子
枝枝葉葉總天香

詠玉牛

斷玉居然此卧牛俗工誇巧作籠頭亟教磨去適其性

弘景高情可悟不

俗工祇論玉之輕重以為價之高下不肯多去疵類
又裁花鏤葉亟繁縟而益粗鄙此亦玉之一厄矣茲
玉牛乃至籠其頭而韁繩拖至其尾亟命磨去之並
戲成是什

雨
四月廿九日

昨晚晴明無雨望三更忽報雨廉纖自寅達酉霽未止
潤葉濯枝展渥霑麥穗正當灌漿候禾苗庶得似雲占

天恩稠疊慰為懼驛問豫齊可並漸

四月廿九日自寅至酉一雨竟日未

止於麥秋大田均喜及時且雲勢廣遠河南山東想當一律普霑因降旨馳詢惟願望奏章之至

文徵明柴門草閣圖

地僻江深樂軸邁寒侵草閣邁清和浣溪神韻形容處

靜坐無言知作麼

作麼生會出指月錄

五月朔日作

連夜達晨復至晚甘霖此番

去聲

渥而優保陽已報深將

尺

京師自四月廿九至五月初一日申酉間雨晝夜悠揚浸潤入土盈尺實為近年夏至前希有渥澤今

晨據劉我奏報保定省城亦於廿八九日自亥至寅已得雨七寸勢尚未已且雲氣南來霑被自及豫齊鄰省惟盼報鄰省冀聞速置郵浸潤為膏益滋地悠揚弗暴章續至

正宜趁朔朝競渡奚妨罷端節例於朔日即觀競渡然向年多值望雨罷舉茲以霽

雨霽沱恐濕衆衣亦罷競渡農功有望較慶節更為欣慰也既慰更思何遇修

明人合筆端陽景即用圖中顧景星題句韻

夏五晝長暑緩移同人棕席聚相知為花為果各奏技

是卷有小款分題云陳嘉言補衆花平果陳翔寫耕果陸鴻補寫菱李枇杷恰似八音繁會

時

題文彭所刻圖章九枚

三橋刀筆非俗吏落楮揮毫別契神

榮括用其自識語

綠野有

懷花徑曲

右第一章

衡門無數茗香新

右第三章

放歌狂飲

宮壺酒

右第五章

鳳嶠瑤池仙籙春

右第七章

天澹一簾萃

五合

右第九章各章皆榮括本刻語

東華不識有紅塵

元班惟志宋端天一硯

宋時端石元人用鐫識分明曰恕齋運此不知經幾手

笑他萬事與之皆

喜晴

五月初二日

常年望雨際今歲喜晴時受

既如斯重酬

恩當自知無過愛民事忍不盡心為延頸豫齊境佳音
希即馳

恭題壺盧枕歌

壺盧枕逮百年矣穆如古色含表裏摩挲不忍釋諸手
康熙御玩識當底昔時未審

賜何人其家弗守鬻之市展轉茲復充貢珎是誠珍勝
其他耳辭塵世仍入西清椀如有知應自喜敬思

當日聖意淵不貴異物祛奢靡園開豐澤重農圃蔬瓠
爾時種於此就模中規成諸器

神樞即契造物理對椀可悟

見諸羹幻海浮沈寧論彼

詠古玉宜子孫珮

是珮誠堪佩言祥試可詳亦惟心精一乃得世綿長穆

若以古處闇然而日章永欽示五字詎在寶琳瑯

近註明珮佩二字義因思有以證之適得此古玉宜
子孫珮率成次句以祥詳亦同韻而義別也雖屬詠
物亦造次不離欽之意耳

賜休致大學士蔡新還里之作

大學士蔡新以年近八旬奏請解職情詞懇款彌
眷於懷因其耆齡遠涉姑允所請以原官致仕加
太子太師乘傳還里並製詩章以寵其行

建元臚第丙辰年五十春秋駒影遷黃閣首行千叟宴
白雲心憶七閩天慰留弗忍耆而艾聽去教娛林與泉
祝八旬期仍赴闕俞哉嘉予意肫然

題王蒙停琴聽阮圖

山樵應是好古者胡作停琴聽阮圖何異三郎愛羯鼓
一夔豈遜仲容乎

按晉書阮咸字仲容妙解音律善琵琶又唐書元行
沖傳有人得古銅器似琵琶人莫能辨行沖曰此阮

咸所作器命易以木絃之其聲亮雅樂家遂謂之阮
咸夫琴者古樂阮者鄭聲王蒙此圖自題曰停琴聽
阮是進鄭退雅於義何取乎昔唐明皇好羯鼓令待
詔鼓琴未終曲而遣之急呼寧王為我解穢夫以琴
為穢而欲以羯鼓解之正與停琴聽阮者同一顛倒
豈后夔典樂轉遜阮咸製器乎或蒙別有寓意乎然
其意亦昧矣因題是圖為闢其謬

降旨分別蠲免河南開封等府州屬正賦及帶徵

積欠錢糧詩以誌事

河南五百里馳郵將謂甘雨被豫州披閱乃覆奏諭旨
弗增慰念仍增愁馳摺以月之廿九此霑霈彼未蒙庥
畢沅奏摺於四月廿九日拜發其日京師大雨昨為去
而未據畢沅奏及是豫省尚未被澤益深縫念

衛輝雖蠲賦不無鄰郡向隅憂因命方伯查詳悉茲乃

一一陳厥由

前因河南被旱地方較廣除衛輝各屬業經節次加恩外其鄰近之開封等各府州

屬雖經得雨仍未透足民情不無拮据因降旨馳詢畢沅令其將各屬雨水及麥秋大田情形據實詳悉覆奏茲據逐一詳查奏到因即十分之三或其二府正賦降旨分別蠲緩以紓民力

免課收

今歲受旱較重開封府屬之祥符蘭陽陳留儀封榮澤彰德府屬之內黃六縣本年應徵地丁

錢糧即降旨加恩蠲免十分之五其次重開封府屬之杞縣通許尉氏洧川中牟鄆陵滎陽禹州彰德府屬之

湯陰安陽十州縣即加及餘緩徵之舊欠視災輕重次

第

開封府屬之鄭州新鄭汜水濬縣河南府屬之永

城鹿邑柘城虞城夏邑陳州府屬之太康扶溝西華陝

州并所屬之靈寶許州并所屬之臨潁襄城郾城長葛

又河北懷慶府屬之河內濟源孟縣溫縣彰德府屬之

臨漳林縣等六府二州所屬三十二州縣雖受旱稍輕

但現在青黃不接小民生計維艱所有積年緩徵帶徵

各項舊欠並加恩槩予蠲免十分之三其與災地毗連

之商邱寧陵睢州宜陽登封永寧淮寧商水武安涉縣

并汝州及所屬之伊陽寶豐鄆縣等十四州縣所有麥

後應徵舊欠及本年錢糧俱著加恩緩至秋成後俾我
徵收並令該撫率屬妥協辦理俾窮民均霑實惠
窮黎少蘇息祈優霪被補種秋從來救災無善政盡予
心力勤咨諏

端午日作

春夏京畿幸時若昨宵夜雨復朝晴設如對景弗行節
亦覺於心太矯情榴缶紛陳偏有艷龍舟雖渡却無爭
遣懷豫省霖猶靳百戲呈觀意轉怍

西安巡撫何裕城奏報得雨詩以誌事

西安缺雨非洊旱茲報甘霖霽霈施

西安於四月中旬連次得雨雖未霽

足尚非洊旱茲據何裕城奏省城於四月二十三日申刻得雨綿密達旦二十四日又得雨數陣共四五寸不

等農民乘時耕作甚為踴躍近省之西安甦麥登場堪鳳翔邠州乾州等屬州縣稟報相同等語

接食黍禾播隴正資滋幸因少望即愜望以不相宜反

受宜

陝省當二麥登場之際普霽渥澤得以播種秋禾苗望雨即沐甘霖可為欣慰何裕城因與豫省人

地不甚相宜新經調任西安今甫至省得此雨膏應候轉勝在豫望澤是其幸也豫省依然未

霽澤畢沅焦急為憐之

以畢沅通達政務豫省屢旱之後且有河工故自西安巡撫與

何裕城相調茲據畢沅奏該省近日得雨總未透足風乾日杲目擊閭閻迫切情形蚤夜焦急惟有率屬齋戒

願禱明神等語憂民之意與朕
同而該撫目擊身臨更堪憐憫也

玉瀾堂即景

香山迴蹕過山陰

堂在萬壽山陽四月十六日由香山旋蹕道經山陰未至此堂閱今正兩

旬閱廿朝茲試一臨肯以閒遊妨正務偶因幾暇暢清
襟榴雖度節芳猶豔柳弗梳風影更深咫尺冰疏俯瀾
玉不生波處喻從心

泛湖至睇佳榭得句

迤邐六橋明聖募湖分內外亦同乎鏡光天裏鳴榔渡

杭渚風情了不殊

向東虛榭據林岑佳處都供騁睇尋却我昔年懈操縵

幾曾蕉石解鳴琴

是處肖西湖蕉石鳴琴景為之

暢觀堂作歌

依巖高下為雲廊數武之間廊接堂堂以暢觀額已久
暢觀之義斯堪詳必曰萬民足衣食又曰四海若雨暘
斯事豈可容易得後樂艱矣先憂長宿雨新霽含烟光
坐堂北望爽弗涼顧名思義吾惟惕豫省正厯視如傷

懷新書屋

今歲插秧早往歲鱗鱗水弗缺
溪田隴間已喜芄稻潤
埒上仍看種豆駢最惜農勞不留暇
益厘吾念為祈年
懷新意異陶居士無事惟吟歸去篇

石舫二首

外湖遊奕內湖歸石舫前臨倚石磯
有泊為賓無泊主
此中誰辨是耶非

堤邊綠柳柳邊橋
盪槳中流七字消
石舫試憑渠几望

動觀輸却靜觀饒

寄澗堂口號

有術非關凭檻觀後來前往不停湍謂澗寄者聽斯語
可識堂猶寄此澗

曠觀齋

曠則其觀通弗曠其觀翳泰山豈不高一指當前蔽遊
目斯小哉吾厓臨政際用人之賢否出治之巨細胥戒
有蔽乎曠乃大公契所以明與達重瞳猶自勵

水周堂口號

溪上書堂號水周靜看其激動其流設如書畫米家擬
吾亦因民慎載舟

清可軒

山陽迤邐至山陰石洞空空清可心冬煥夏涼天地妙
凡石洞皆如是屋包壁立畫圖深境惟是樸樸堪會物以含華
華可尋歷歲泐題將遍矣古稀仍未戒於吟

綺望軒即目

山陰樸斲處北望恰相宜綠野鋪禾候黃雲釀麥時畫
工誰得繪裏錦自為披幸值雨暘若戒盈勵敬持

靜佳齋

齋以靜得佳知此固為易然而佳與靜實非齋所致可
悟知在人知復匪靜類設使弗晤對亦豈識此意口業
戒綺言吉人辭寡義

翠籟亭口號

翠屬色而籟屬聲坐來心意灑然清問他聲色何為者

祇許亭楣畧注名

降旨復加賑衛輝所屬五縣詩以誌事

衛輝屬五縣被旱經兩年一再縱加賑五月期屆完麥
歉斯已定禾黍期亦難南望薦臻區災民實可憐預計
期滿速加賑命速傳不拘極次貧胥展三月連

衛輝屬被旱最

重之汲縣輝縣新鄉淇縣獲嘉五縣節經加恩展賑至
五月底但該處至今未得透雨二麥無收大田未種深
堪憐念因再降旨不論極次貧鄰郡畧勝茲虔祈熟晚
民再行展賑三箇月俾資接濟鄰郡畧勝茲虔祈熟晚
田有無或相通庶幾餬粥救災乏善政憂慮弗安眠

或者貪官酷吏行細察今無旃或予弗愛民則實不敢

然自幼讀魯論宣尼不怨

天小民設怨咨亦足戾氣宣

衛輝等屬被旱軫念無刻
耕懷每清晨齋心默額叩

邀因有貪官酷吏屯膏惜澤或因在上者弗恤民艱致令

失所今則反覆自省實無其事或者該處窮黎固久早
缺雨呼籲之殷激為怨咨以致上干天和兵象示

傲因論小民等寧歸咎於朕躬斷不可怨及于
吳我君臣以及百姓惟當反躬自責庶冀感格蒼

思和氣致祥甘膏立需轉災為福命該撫將此旨刊刻
宣示務使鄉僻窮民各安靜守分以待天佑此亦

無聊之謂民寧怨予調燮實多愆思過上下同庶幾和
枉思耳

氣旋悔禍

天降康膏霽霑陌阡煩語不成章怒如愁愧駢

新蟬用甲戌詩韻

萬物馮生各赴時新蟬流響不教遲較他胡氏一籌勝
恐被人知尚有知

甲戌末二句云細擬爭先傳響意幾曾清實畏人知
盖用胡質事以嘲之今思畏人知是尚有人知之意
也而蟬豈有蘄人知與畏人知之意哉故末句反前

詩意而其意始圓融如天衣無縫也

題文彭刻章

刻石印章復得九文氏壽承筆以手各識年月與名字

珍重心期垂不朽書法篆法胥古樸摩挲凍石如瓊玖

燈光妙品是耶非

見周亮工印人傳

文甫

李

牙章較覺醜人君

好惡可弗慎三橋所作頻煩有無過雅玩佐文房自問
於斯知懼否

詠宣德雕漆橫琴盤

茶盤硃漆尚深紅
圖寫橫琴坐老翁
細睇金書宣德款
疑更永樂出髹工
明宣德時雕漆器不及永樂時所製精巧工人因竊磨永樂針刻細書款
刀刻宣德年製大字劉伺帝京景物略詳載其事

西直門外作

北郊歲歲勗躬勤
復此齋居式禮文
合在宮中養體志
還從郊外驗耕耘
雨誠十日晴五日
麥蔚黃雲黍綠雲
田况近畿幸時若
惟殷敬懼以為欣

詠漢玉雙螭觥

入土嗟何代出塵復此時中心標一翫兩耳抱雙螭黃
赤白相暈去來今可思摩挲生別悟昔用是為誰

題楊无咎蝴蝶花

无咎野梅風擅名別裁蝴蝶寫如生乍看嫋娜踟躕態
作賦無輸宋廣平

命截留漕二十萬石於山東備賑詩以誌事

從來天庾司農惜

向來各省督撫奏請截留漕米若發部議多以天庾正供為重議駁是以

歷年截漕皆特旨先行

每用截漕

請作

特旨行百姓足君孰不足

豫方熒亮致同熒

昨因河南衛輝等屬久旱慮災區民食拮据已特降旨截留漕糧三十萬

石備賑濟之用茲東省曹州各屬缺雨情形略同自應一體接濟

正供廿萬留資賑舊

欠多年早緩征

明興奏曹州東昌濟寧臨清各府州屬未得透雨者尚有三十州縣請截留南

漕二十萬石存貯備用前雖降旨借給口糧籽種並將兗州曹州濟寧三府州屬應徵帶徵錢糧倉穀俱緩至秋成後徵收以紓民力茲再降旨於南糧內截留二十萬石存貯濟寧聊城水次以資賑恤

肯使窮

黎向隅泣無能調幕愧而忤

題徐賁吳興清遠卷

畧倣王蒙荷葉皺村居雖密澹為神吳興清遠真清遠

恐悞農桑弗事巡

南巡首重民務而湖州郡農桑之事尤殷是以每至杭後即由嘉興旋蹕歷

來未嘗一往吳興也

詠舊玉斗

亞父撞之後重為玉斗誰連成雙面畫接刻七言詩迴

異俗之態依然古作師藉瑕繪松鬚

玉白質黑韋為器者藉其瑕處刻松

鍼亦純技也

思已漸鄰竒

夏至日

北郊禮成述事

紀年臻五旬

母地錫慈仁資事真蒙

愛承

麻切勵寅黃琮香帛薦大武豆籩陳惕矣代癸卯幸哉

繼甲辰

前年夏至以氣滯舊疾偶作因於御園齋戒告

事今復得以藉展夙

忱實蒙厚貺

禮希十載執

計今年至歸政之期屈指十年惟仰希

純佑

以躬禮致虔用酬

郊壇大典每歲得

鴻貺耳

志永一心純近讀溫舒

疏昨因讀路溫舒尚德緩刑疏因著納污含垢之論以
為父天母地萬物皆然人之初生以至離襁褓五濁

穢濁遺母之身不以為汚又安有納其汚之
念乎茲承大祀益切母事之忱益深敬與

親

仲夏玉泉山即景

玉泉未至恰彌月啟蹕前因偶一臨
以十八日啟蹕往避暑山莊孟

夏忽然為仲夏寸陰原合惜分陰雜芬遞自草花夥
春花

多木本夏秋花多草本嘉蔭看從樹葉深常謂學當祛結習未能

忘者是搜吟

題創得齋

初成兩字率與額為聲去聲喜巖隈復水邊却已庭看合抱

栢更茲池俯欲開蓮山莊數上聲典牀頻據避暑山莊亦有創得齋歷

年無不留詠而此翻隔數年乃一詠耳溪閣經年徑鮮緣勒壁詩原隔歲

詠靜明園創得齋詩自甲戌至今三謂之創得亦應然

麗矚軒小憩

玉泉山此稍平處攀陟已稱登最高豈以憑輿一已逸
而忘跋屨衆人勞及臻少坐俾休息延望盈眸啟興豪
巖閣倚晴呈石俯東升西降例前遭

倚晴樓有會

有升必有降萬事胥一理盤旋下層磴巖樓近尺咫升
難降實易可悟為學旨翹首觀樓額則久題晴倚邇來
幸時若麥隴黃雲擬宜暘飽曬穗副名信可喜忽思豫
齊間頓復生愁矣

陝甘總督福康安奏報甘省得雨詩以誌慰

甘省由來旱歲多幸哉大雨霈滂沱不惟候晚登薶麥
更可時垂種黍禾

據福康安奏省城於四月十八九兩
日大雨滂沱入土深透並據蘭州鞏

昌平涼寧夏西寧等府屬具報四月十六七八九等日
得雨三四五六寸及深透不等節屆小滿得此透雨不

惟麥秋豐稔並於出口報遲定奚礙先聲秋霑再願無
大田甚有裨益

訛福康安現因出嘉峪關查勘地方情形是以四月中
旬得雨之報奏到稍遲又據稱若於月內再得普沾
惟望報可卜秋成
惟望報事績至
游饑豫省較茲甚南望仍增嘆奈何

陸治林壑觀泉即用其韻

飛流天半落來長
濺石翻花瀉野塘
林下一時澄慮睇
不秋亦自沃心涼

詠官窑餅

是器微有薛暴然實宋時脩內司物也憬然有思
因成此詠

古瓷髻壑人亦珍今密完善人弗貴常情大都輕目前
吾於中庸識其義行為世法言為則豈非君子三重粹
及其同時遠近者有望不厭以為至人尚如斯物豈不
宜知懼哉取物譬

啟蹕幸避暑山莊即事成詠

今歲京畿若雨暘時巡啟蹕例依常天垂澄宇地無壅

黍蔚青雲麥有黃目攬近郊信徵倖心牽遠省益傍徨
幸避暑山莊出大東門仍循向例乘馬蹕途所見麥隴
雲黃黍禾茂蔚堪為欣幸惟河南山東等省被旱之區
尚未據報普霑澤實切傍徨爾 七旬有五仍乘馬行健體乾勵自強

過清河

清河水自御園流橋下波寬較向優自是甘霖霈春夏
灌田餘潤到通州

二麥將收禾遍耕歷觀農况允怡情西成萬寶期猶遠
虔祝還深戒滿盈

哀明陵三十韻

北過清河橋遙見天壽山勝朝十三陵錯落兆其間太行龍脉西南來金堂玉戶中天開左環右拱實佳域千

峰後護高崔嵬昌平

州名

黃土

山名

誠福地永樂曾以親臨

視叶

英雄具眼自非常豈待王賢

廖

均

陳其藝

日下

舊聞載永

樂初卜陵衆議欲用潭柘寺永樂獨銳意用黃土山即此天壽山也又西京求舊錄稱明陵擇地或云山東王

賢或云江西廖均卿所聞異辭難以懸定據此則永樂考卜之說較為可信

或曰十三氣數

盡朱明祚以此為準是盖形家惑世言承天造命惟君

允後嗣果能繼祖烈朱氏宗社那遽絕君昏國事付貂

璫瞻烏久矣於誰瞥向聞頽廢應修治工鉅無敢發其

辭湯山駐蹕一往閱勝朝舊蹟當護持稜恩

名殿

制肖皇

極

名殿

建雖存已剝丹青爛宣德曾頌祛奢麗

明宣宗實

錄載宣德

駐蹕陵下語侍臣云皇祖嘗言帝王陵寢有崇奢麗及

藏寶玉者皆無遠慮云云今觀長陵享殿曰稜恩殿九

間重簷石城明樓規制巍煥雖丹青剝落而棟棟閭壯

與皇極殿相肖為自古所無豈所云祛奢崇儉者乎

此而非奢奢孰見石城明樓依然巍三杯手酌拜如儀

今春駐湯山命取道昌平謁明永樂長陵酌酒三爵如

鍾山謁洪武孝陵之例論明成祖之事雖非予所景仰

然既為古帝王明臣屢詠衣冠閔楊士奇陪祀長陵作
自當下拜如儀云萬里蒼梧去不還

又區大相供事長陵詩云文皇鼎成後此地墓衣冠又
李應微謂長陵詩云乾坤留劍馭伏臘拜衣冠蓋均指

榆木川事或底須重訂傳訛詞棟柱如舊椽木朽簷瓦
出怨者之口

落地狐兔走以其初建工力觀未修蓋數百年久長陵殿宇

雖存而椽木朽壞簷瓦落地以初建窮極工力論之不
應蕪廢如是之速蓋自明中葉以後怠棄不修者已一

二百年至今則三四百永陵制乃如長陵明世宗陵曰
年宜其荒廢如是也

如長陵而外多一周垣享殿明樓皆以文石為砌壯麗
精緻長陵不及見昌平山水記其後神宗定陵制亦如

永陵而侈飾定陵效之侈有增忘其前世艱開竊徒計
又過之云

身後胥堪輕

日下舊聞載永陵成世宗顧謂工部臣曰朕陵如是止乎部臣倉皇對曰外尚有周

垣未作乃築重垣後定陵效之

長陵一碑功德記餘皆有碑而無字泰

山以後唐乾陵此典何出竟為例

明諸陵惟長陵有聖德神功碑文餘陵俱

有碑無字檢查諸書惟徐乾學讀禮通考載唐乾陵有大碑無一字不知何謂而明諸陵效之竟以為例實不

可解也思陵乃就妃園塋趙一桂曾記開壙香殿三間復

九間寢床供案皆雄壯

明崇禎思陵乃因田貴妃園寢營建未畢而都城失守遂以帝

后梓宮移至昌平州署吏目趙一桂率士民斂錢安塋記壙中隧道長十三丈餘石門內香殿三間陳設器用

衣物又開二層石門內通長大殿九間寢休供案備其一妃園寢如此其餘諸陵侈費可知

一妃之

費已如此餘諸帝者可知矣即今雖為去聲禁樵蘇松栢

鬱蔥屋傾圯屋圯猶可龕帳無並其神主全失諸尺木

值幾亦盜去汝祖獨非厥民乎

本朝定鼎後雖為明諸陵嚴禁燕蘇松楸弗翦

而經流賊兵燹之後殿宇多就傾圯不獨龕帳全無並神位亦俱遺失實不堪入目因降諭旨特派大臣前往相度並發帑金鳩工庀材通行修葺俾一律堅整完固重設神主以時祭享不忍再視命修

葺悵然悚然欲垂泣此意弗更再三言讀召誥文示詳

悉因謂明陵屈指數明季之事應亡弗亡屢賴天恩而思受命保命之要必當以奈何弗敬為棘詳見

所著讀
召誥文

送原任大學士蔡新歸里之作

不忍言留令歸及歸言別又依依忠抒贊理登黃閣

醇藉授經近紫微尚計一旬萬幾勅

計余歸政之期屈指十年顧瞻左右

者舊甚稀昨蔡新以引年予告奏請於八旬萬壽時赴闕祝嘏情詞懇款不忍言留茲路旁送駕復賦此詩書

扇以賜顧瞻左右老臣稀心交豈在形容際榻下閩山是

也非

密雲縣行宮即事

啟行早斯到亦早辰未已初駐蹕好不惟行宮憩爽涼

僕御羣欣免炎燥記云凡事豫則立一語由來該萬道

批答有暇覲重吏咸曰西成冀萬寶在茲言茲固爾職

而我憂懷汝豈曉豫齊霑膏信未至

日內盼望河南衛輝等屬山東兗曹

等屬普得透雨信息至今未據奏報實無刻釋懷也

南望悠哉愁未了

夜雨朝晴

夜雨朝晴好行程爽且和既欣逮收麥實復正滋禾僕

役途非濶農夫舞以歌憑輿慰仍慮齊豫究如何

茲又數日

尚未聞河南山東得雨之信也

山西巡撫農起奏報得雨信至詩以誌事

春末夏初際晉省雨澤疎農起雖奏報而語總含糊敦
書香差迴據奏所經途民情望雨甚聞之為嗟吁馳諭

問實況胡不早奏吾速即親身往以救民之劬

昨梁敦書同祭

告嶽瀆迴京復命奏稱經過山西平陽蒲州一帶民情
望雨甚殷與農起所奏雨水地方情形不符恐其意存

諱飾屢經降旨嚴飭令其速行親往查
明被旱各屬一面籌辦一面迅速覆奏茲乃接驛章始

早得雨蘇

茲據農起奏查勘太原汾州各屬從前雖俱
缺雨嗣於四月十六七八及廿八九五月初

一二等日連得透雨入土六七寸麥收尚
好秋糧播種已出土數寸並未成災等語麥收亦尚可

大田播種俱惟所借倉糧期滿應濟諸平陽及蒲州麥

歉誠向隅應與再減價緩徵秋後輸即命賑兩月何必

曰借乎

又據奏各屬地方前次借難倉糧將已辦竣目今秋成尚早請將太原汾州等屬照年減價

二錢之例將倉穀酌量續糶平陽蒲州等屬麥收較歉請再行酌借口糧並將本年錢糧緩至秋收徵收等語

朕以平陽蒲州等屬麥收既歉著即恤賞兩月口糧餘照所請速行分別平糶酌借緩徵以資接濟而紓民力

農起前奏並未剴切陳明又所奏平糶緩徵酌借口糧並不早行籌辦待降旨詢問始親往查勘奏辦以致小

民遲需渥澤此即其從前含糊具奏之咎已經部議從寬留任並將此旨及原奏宣示中外咸使聞知民

情未預陳薄責寧可無公聽為政要而況關民瘼五字

誌顛末西望仍厓予

出古北口疊乙未舊作韻

部覆蔡元修塞疏欽觀

實錄

聖謨貽

恭讀
准古

北口

皇祖實錄康熙三十年五月工部議
總兵官蔡元請修築古北口一帶連

牆一疏

不專事險阻

上諭大學士等曰

帝王治天下自有本原
秦築長城以來漢唐宋亦常修理其時豈

無遠患明末我

太祖統大兵長驅直入諸路瓦解

皆莫敢當可見

守國之道惟在修德安民民心悅則邦

本得而遠境自

固所謂衆志成城者是也蔡元見未及

此其言甚屬無

益仰見聖謨宏遠正本清源所當

萬世奉
為法守
安民修德

垂昭訓繩武銘心切永思拓土因資衆人力寧邊或免

後儒嗤伊犁萬里夜行旅

予臨御以來凜承
拓新疆自近邊至伊犁等

祖烈

處二萬里商旅夜行無滯古北近如門戶更不必言矣
昔人慎守藩籬之說實無所用於此時惟仰
聖訓
昭垂億萬斯年
當敬承無數也
誰復塞關昔例斯

喜晴

夏雨不妨霖邇來始稱足侵曉霏細絲逮已紛銀竹南
望雲容重想遍霑霖霖但未知更南豫齊可同沐徐灑

非暴傾高低胥潤溥却未致大澤旅裝免跼蹙究以晴
為佳兼美實人欲傍午雲散淨羲輪朗高燭因詠喜晴
什興颺拂箋幅欲多愁自多兩全慰心曲

常山峪行宮八詠

綠樾徑

年年樾徑必循披入室升堂又一時絜矩設於子游間
無端却恐滅明嗤

虛白軒

八景初題癸亥年或吟或竟罷吟篇茲來歷數上聲前成

什趁興揮毫足十全

常山峪行宮八景詩始於癸亥嗣後或吟或罷計至今乙巳凡十經

題詠得詩
八十首

青雲梯

巖梯靄靄累青雲假借如僊士子羣與我雖云不相涉
用斯誰責亦應勤

楓香坂

幾餘散步小徘徊石徑巖扉迤邐開却以昨朝過渥霽

青楓冉冉送香來

如是室

嶺度石梁卅里強行宮駐蹕喜晨涼設云如是鄰禪語
結習於斯我未忘

蔚藻堂

含飴昔此沐

深恩娛侍那能識

聖源稔冉光陰六十載即今我又抱元孫

翠風埭

翠色風聲合相宜底湏分別主賓誰當前披得綠冷者
正是南薰解阜時

陵霞亭

夕佳山氣喜淵明霞影陵來座底橫設以翼然擬飛鳥
較他鴉背更多情

至喀喇河屯疊壬寅韻

夜雨晨晴恰合期行宮到復霈芬絲

午時陣雨即晴

北方誠覺

今年幸尺澤却贏昔歲滋

今歲京畿及口外前後得雨五尺因憶壬寅至此遇山雨

詩有入地原艱二寸滋之句實較遜此次之優渥也

秀實尚厯數月遠旰宵惟戒

一心嘻滿招損也謙受益敢不書紳常誦之

題翠雲堂

又渡灤江憩獻堂碧天過雨坐延涼友松階下如四皓


庭中有四松題字壁間慙二王那計夏中今與昔幸逢時若

雨和暘看來農景北逾好却繼河南切視傷

虬蓋亭

昔纔拱把今參漢風入炎天意颯然蓋影忽驚較前張

去旋思種樹已多年



御製詩五集卷十六

欽定四庫全書

集部

御製詩五集卷十七

欽定四庫全書

御製詩五集卷十七

古今體一百二十二首

乙巳

至避暑山莊即景

避暑年年

北郊後登程六日一朝臨麥黃黍綠歷怡攬細雨輕陰
颯啟吟蒞止宵衣盱食處敢忘孫沐

祖恩深古稀底是相應者未失由來赤子心

永佑寺瞻禮

宋史雖然古禮殊道宮禪院究殊乎

自神御非古禮也蓋趙宋始有之而

彼乃於道觀佛寺中建別殿以奉之永佑寺雖數典雍正年間之恩佑寺然此兩處不過前殿供奉佛像並無

縉士羽流居之故不同也

僂聞愾見瞻

神御夕惕朝乾奉

聖謨時若幸逢京以北旱臻深念豫之區

祖

宗萬姓艱遺大忍不如傷視切吾

題鑑始齋

萬壑松風側三間別室居顏之曰鑑始意乃在箴予有
望皆如畫無閒可讀書紀年茲五十成者竟奚如

雨中雙松書屋有感

披松入逕垂露珠蒼顏不以晴雨殊濯枝潤葉胥含潤
俯視花草同愉乎忽然清籟凌烟下耳聞目視淨與俱
擬之夷齊久矣夫人有兄弟我獨無

煙雨樓對雨

塞垣湖閣寫南江無對佳區斯有雙曰雨曰煙名已副
孰賓孰主慮應降米家畫裏山四界列子御中風八牕
一洗塵心無不洗那知聲色與擬擬

青楊書屋

湖聳層樓煙雨傍傍餘隙地峙青楊塞垣開闢來有此
何論商周與漢唐

對山齋

湖中艱得山假山何不可明知疊石為古樹無彼我峭
清菁葱間有齋對之妥細雨潤蒼翠輕烟幕磊砢漫
望遠艱返觀靜好果

翼亭口號

翼然亭子冠峻嶒俯暢煙波亦絕勝設以歐陽記語擬
翁哉却弗醉為稱

荷葉

荷葉出水多綠雲水面布較比昨年勝格物知其故昨

春畧艱雨山原草遲吐水芳故無礙夏首田田錯鹿飢
弗得草嚙荷葉充腹叶今歲草早芊甫田翠毯具鹿舍
荷食茸呦呦喜饜飫所以塞湖中青蓋擎無數陡思衛
輝民饑饉游臻遇食草根樹皮與鹿同窘遽玉食豈能
安慙惶賦斯句

命於淮北截留漕米十萬石以備賑貸詩以誌事

淮徐近豫省雨澤亦愆期念彼池魚殃馳諭屢問之前因

淮徐海各屬與豫省相近雨澤亦未霑足誠恐有礙茲
大田因降旨馳諭該督撫令其酌量調劑據實速奏

接大吏奏民艱厓齋咨難拘例報災

茲據薩載閏鶚元
奏夏月被災例於

秋獲時確勘分數辦理惟淮徐海三屬被旱較重秋收
尚遠請將被旱最重之銅山等十一州縣實在貧戶酌

借兩月口糧次重之清河等五州縣貧戶酌借一月口
糧朕以該處旱災較重應速行救濟豈得拘泥報災成

例遲至秋收因即降旨將災重之銅山豐縣沛縣蕭縣
碭山邳州睢寧宿遷安東阜寧桃源十一州縣貧民均

加恩借給三月口糧次重之清河鹽城海州沐陽贛榆
五州縣貧民均借給兩月口糧均於原奏外加給一月

以資救濟不容遲借口糧多寡視災輕重為更請截漕

米以備賑貸資

該督撫又奏稱徐海二屬州縣倉儲頻
年賑貸所存無多糧價不無昂貴並請

截留漕米等語因即降旨於邳宿一帶水次截留漕米
十萬以八萬石分撥徐州各屬二萬石分撥海州各屬

貸以備賑批行不待議恤災急燃眉南望益增愁切籲甘

膏施

溥仁寺瞻禮

承德最古寺溥仁不二門梵宗衆誠萃

康熙癸巳年衆蒙古王公等為

皇祖六旬萬壽祝至今七十餘年為承德諸寺中之最古者

祖訓一心存敷政宣外是永遐永共

尊勤勗勵無忝五十紀年孫

普樂寺

伊犁者定後黃教示遐方來覲都歡喜

茲寺以西陲大功告成自丙戌

春經始丁亥秋歲工嗣後每歲各蒙古王公扎薩克及衛拉特各部分班來覲者無不仰瞻歡喜如遊春臺化

宇詳見向所製普樂寺碑記

成功久晏康寧非先所料

自西陲平定至今三十年

伊犁無兵戈來往新疆者夜行無滯仰蒙眷佑中外晏康寧非始用兵時所敢料也

益凜後無

遑罔不興稼穡惟祈若雨暘

文津閣作歌

四庫全書胥告成如種樹以十年計

自癸巳年輯四庫全書及今閱十年

計薈要兩部全書四部均次第告成

自淵而溯復至源茲乃於津觀厥萃

辛丑年全書第一部成貯文淵閣壬寅第二部書成貯盛京之文溯閣癸卯第三部書成貯御園之文源閣茲第四部書於甲辰歲全完以今乙巳夏臨幸避暑山莊之前度貯文津閣茲事體大物博甫越十年次第觀成用臻美備實循名前後似不倫七字長歌闡其義淵海慰風懷也

資溯乃得源得源方可知津謂循環往復沃於心內聖外王枕肅備浩如慮其迷五色挈領提綱分四季經誠元矣標以青史則亨裁赤之類子肖秋收白也宜集乃冬藏黑其位如乾四德歲四時各以方色標同異

全書經史

子集浩如淵海檢閱非易因飭裝冊面頁分為四色經部用青色絹史部用赤色絹子部用月白色絹集部用

灰黑色絹提綱挈領各
按方色閱時一目了然
義如是耳貴躬行詎在侈談
誇博記

趣亭

疊石為山臨碧池山巔恰置小亭披文津四庫茲全度
繹趣隨抽無不宜

月臺

高無尋尺寬三笏綴景何妨亦號臺相映錘峯勝於古
望舒鏡不待奩開

金定四庫全書
卷十七
玉琴軒

玉琴軒構久文津閣築新以閣在軒北却據上流真分
來曲注澄步偶沿下循坐軒聽繞砌泠然宮商陳非桐
亦非絲對景歌南薰

寧靜齋

山之體為寧水之性為靜是齋山水間合相示平等性
靜體寧恒體寧性靜永内外交相養返真非藉境齋中
凭几吟灑然契清省

千尺雪二首

武列引來源遠長前朝遇雨色微黃
雲花漫議欠相似

一試薛昭絳豈妨

裴劍傳奇載薛昭遇
仙女得絳雪丹度世

冰窗復此雪花披
聲既砑轟色陸離
一再摘詞非騁藻
大都欲誌歲和時

詠漢玉軻頭

遠當虞夏近稱周
曰漢還應貶一籌
出共圭璋為吉器
嫌同冥漠伴荒邱
吟哦穆對神猶在
摩撫欣看手不留

形似枯松薄如紙俗工肯爾費雕鏤

今之為偽古玉者色似油朽鐫紋不深且質體粗笨
不過省其工而眩一時此輞頭雕幾既古雖經數千
載蠶紋隱然猶存知為古器無疑

題陳書畫扇

林密復山崇結亭宜此中飛泉來落澗懸磴正臨空斯
韻聽宜寂其源望不窮漫嫌無應答謾謾有松風

右幽壑聽泉

簾面纔盈尺何來千里觀能令近為遠豈計易和難插
水峯形疊連天江勢寬未言倣誰氏直作富春看內府所藏
黃公望富春山居圖有咫尺千里之勢此簾寫烟江疊嶂彷彿得其筆意

右烟江疊嶂

意寫右丞詩山中首夏時幽居無外事一舫有相知畫中
有客乘船來訪白鷺驚人去黃鸝選樹移復菴真作者豈獨畫
家師

右水田飛鷺

山西巡撫農起奏報續得透雨詩以誌慰

晉省雖霑澤猶嫌未渥優茲稱沐盈尺兼已遍羣州前農

起奏報各府州得雨均已深透惟平陽霍州解州絳州等屬雨澤較小茲據奏於五月二十日平陽一帶大雨

如注入土至盈尺極為深透山西通加賑堪接夏蒲州

省均獲甘膏大田普種可冀秋收也

等屬麥收較歉農起請將該處貧民酌借口糧兩月時即降旨竟行賞給俾貧民夏月得資接濟茲農起奏即

降旨之日得獲優渥甘普耕可冀秋同時豫章至同日

霖吏民昏額手稱慶

奏通省現在情形除南陽汝寧光州三屬雨水調勻其歸德陳州河南陝許各處雖節次得雨終未能透足本

月十二日續得雨二三寸惟衛輝懷慶彰德開封等仍屬仍欠甘膏大由難施力作等語覽之仍增縫念

復為增愁

偶題

漫道非翁信已翁目猶明幸耳猶聰便期百歲以為度
四分去聲之三度夢中

願志堂書懷

舊時

願志堂已為過去事此日願志堂願志實艱致願之文
訓養又一訓如意養實貴心安宵旰勞難置至於言如

意先憂惟我萃即今雨暢若山莊佳景備豈不足怡神
念遠惟憂積豫齊胥望雨延及淮北地而豫更為甚無
計救民悴如意之謂何五字吟誌愧

學古堂口號

學古寧須虞與唐祇茲

祖訓效無違新春重舉千叟宴慶典應垂

兩世芳

余臨御五十年來每事祇承
違今歲新春舉千叟宴亦敬稽

祖訓效法不

皇祖士寅

年慶典依
例遵行也

清舒山館

每來熟路不須尋山靜日長悅可心舒以小年延玉漏
清如太古對瑤岑牕前松影明張蓋階下泉聲暗滴琴
承慶兩言

義畫煥

山館前殿恭懸賜舊皇太子

皇祖御書承慶堂額蓋以

有伊人真薄福每來瞻仰益悚然於

承慶愧其儲之句提命之殷也

雖非訓我我應

欽

澄霽樓口號

邇來暘雨幸時若拾級欣登澄霽樓遙憶畢沅方望澤
對茲朗景正增愁

河南正在望澤尚未據畢沅報到對茲澄霽彌軫於懷

暢遠臺

臨水迴廊月樣標平臺上弗設牕窳騁懷遊目觀無礙
得意忘言神與超一片池荷紅暈朶千章岸柳綠申條

屋中線法西洋畫

壁間有西洋線法畫林巒屋宇人物層層掩映睨視之幻近若遠較之六

法中咫尺千里者更為真切亦解幻將近作遙

題文園獅子林八疊前韻

徐賁圖重弄石渠明徵有宋事堪書

甲辰南巡得徐賁畫獅林景十二幀

後有姚廣孝跋稱徐賁為如海作又陸深跋稱元僧維則好聚奇石類拔倪故取佛語名卷如海即維則三輩

弟子也獅林數典實始於此

底須分別幀合卷一例應忘彼與予却

識雲林非別業

得徐賁畫始知吳中獅子林乃維則僧菴因倪瓚嘗游詠茲寺後人遂傳為雲

林別業其實非瓚所居也

空傳廣孝返姑胥

陸深跋又載道衍還吳夜深微服訪其師於獅

子林一事詳見題徐賁冊詩並注

吟成八疊不禁笑笑我於斯未淡如

再題文園獅子林十六景

獅子林

獅林將謂始倪瓚畫卷徒因弃石渠徐賁幀重述維則
石渠寶笈舊藏倪瓚畫獅子林通景長卷屢經題詠將謂即雲林別業嗣復得徐賁所畫冊十二幀每景各分署題乃知獅林舊為僧寺寶創自元僧維則後人訛傳率以獅林屬之倪迂誤也詳見今春題徐賁畫冊詩并注
笑他數典太紛如

虹橋

石橋湖口長虹肖

長虹飲練為避暑山莊三十六景之一此橋肖之

來往都憑

鏡影中設使弗觀幼文畫那知合彼小飛虹

幼文徐賁字所畫獅

子林十二景中有小飛虹圖意與此虹橋景合

假山

城中安得有巖崎

獅子林在蕪城中雖功因一簣而堆
峯卓犖幾于巧奪天工文園假山竇

肖彼堆石為山學彼為謾議吾今亦尚假倪迂當日已

如斯

納景堂

山色溪聲總靜便自來佳景不須延偶然點筆成七字

閱却光陰又四年

納景堂已亥庚子皆有詩自辛
丑至今未經題詠又閱四年矣

清閼閣

指景新傳二八名閣惟清閣不教更

清閣閣為十六景之一本因倪瓚畫

得名後見徐賁畫幀始知獅子林實數典於維則或雖曰維則得法於本中峯本時住天目之獅子巖故名

然維則非其朔無礙中郎擬步兵

藤架

每來率已謝花時綠葉徒看架上披躑步曲橋還自笑
笑何須此種藤為

磴道

園內塞山率平坦假山磴道却崢嶸平為正直假為險

亦可於斯驗世情

占峯亭

亭子翼如據峯頂遙竒近秘占都全設非拾級延清賞
亭有何知祇漠然

清淑齋

塞山自古稱雄壯好是山莊淑且清

聖意寄斯

天意合試看西苑早傳名

西苑淑清院
皇祖御筆題額也

小香幢

當年維則稱禪窟懶瓚香幢乃肖之

禪窟亦獅林十二景之一小香幢適

肖其俗曰五祖傳六祖

禪和有五祖傳六祖六祖亂於傳道雖曰詆談然願中之

斯豈必辨然疑

探真書屋

詎緣奇趣堪尋討端以芸編緋几陳千古欲詢讀書者
幾人誠得探其真

延景樓

昔曾避暑奉

思齋恒以

怡情山水佳景設云如愛日斯時祇益愴予懷

畫舫

武列分來漾碧漪乘浮畫舫特相宜設如置却幼文幘

所泛應為玉鑑池

徐賁所畫獅林十
二幘內有玉鑑池

雲林石室

四圍峭嶺鎖巖岑偶爾田盤寄遠心

盤山亦有綴景雖
雲林石室

然為石室稱名原不改雲林

橫碧軒

開牕西向爽來輕玉李坡陳一帶橫

塞外所生烏刺奈果者色赤味甘

羣芳

皇祖賜名曰玉李此坡有之因以名見廣譜稱烏刺之地尤多此果故得名也

落照鍾峯

相映處

鍾峯落照十六景之一

即皇祖錫名三在玉李坡上

愛山恒識

聖人情

水門

弗閉水門喜鎮開源中一任往和來漁人迷不復得路

拒客還嗤見小哉

書扇賜陝甘總督福康安

山莊風土好時若雨暘和以此起居適竟加飲膳多新

疆勞跋涉諸政藉規磨

前令福康安往關外玉門縣屬惠回堡查勘地震偏災優加撫

恤並修築土堡營房一律完整事畢後又赴巴里坤會同都統奎林查勘該處能否加兵屯田妥籌定議俾永

達遵行復憶及去歲福康安勦捕逆回一事

成功迅速深可嘉尚因賦此什書扇以賜

歲嘉鄉耆定歌

雨五月廿九日

昨近畧炎熱蒸為雨落晨階墀水積厚牕牖爽來新弗
久雷收鼓即欣日現輪奉茲時若候慰矣倍增寅

命截留漕米五萬石於安徽省備賑貸之用詩以
誌事

江北河以南今歲率艱雨淮徐既截漕鳳毫可忘補况

復接豫疆池魚殃更苦馳諭經屢詢漕米乞截取安徽鳳潁

泗各屬壤接豫省與淮徐均屬被旱前屢經降旨馳詢該處情形茲據該撫書麟奏請預籌截留以備接濟之用因即降旨於三進幫船內截留批諾不停時俾救饑漕糧五萬石寬為儲備俾資賑卹

民普司農爾莫惜民庾即天庾

題金廷標紈扇畫景

倚柳溪邊俯玩蓮清香淨色弗誇妍設如碧水擬洛浦
孰是宓妃評並肩

右玩荷

閒院忽飄一葉桐不知何處至秋風阿香顧謂須拾取
紈扇詩情默忖中

右觀桐

再詠古玉璧

量來徑盈尺非蒲亦非穀規圓樸中聲規亦弗計好肉
乃不知有周炎劉豈堪目一面剝蝕半一面平體足剝
者復血浸畧剝如脂腹識其缺土中久伴循蜚族出土
幾千年經幾人珍蓄彬然一再詠心神沃古穆

雨

六月初三日

辰晴閱射已牌陰趁暇遊山忽值霖渥矣林泉真愜意
霑乎齊豫遠縈心

今歲近畿雨暘應候自到山莊間一
二日即霑甘膏惟河南衛輝山東曹

州等屬屢經馳詢尚未却殊風雨歸舟畫
石渠寶笈舊
報得透雨纔念日深耳却殊風雨歸舟畫
歲李唐風雨
歸舟圖所畫雨絲無礙烟波點筆吟
烟波致爽為山莊
風片曲盡情致
三十六景之一即
尋常燕僕役濕衣薄行賞無非事也凜君臨
寢處也

喜晴

今歲山莊若雨晴昨朝霖似應時行

大雨時行為六月候昨朝密霖頗有

連陰之意傍晚即止今日大晴實可喜也

却看傍晚雲陰散遂喜侵晨霽景

明瀑落峽邊聲送壯風從林下爽來輕對茲真慶何修

遇益勵勤民敬畏生

欽定四庫全書

四

御書詩五其
卷十七

碧峯寺

招提對碧峯朗潤玉芙蓉澗響鳴猶急林光色更濃有
欣慶農計無暇問禪宗隨處堪拈詠懋勤硯匣供

味甘書屋戲題

山泉雨後味增甘常侍烹煎夙所諳磁盞擎來吐嗟辦

那容火候昧成三

味甘書屋亦倣江南竹鹽每至則內侍先煮茗以俟蓋若輩藉以當差不

足語火候也按黃儒品茶要錄云茶初造曰試焙又曰一火其次曰二火三火市茶者以出于三火前為最佳

故蘇軾詩有羨君美玉經三火又瀉湯舊得茶三昧之句又佛語三昧華言淨業也又翰林志學士下直出門

謂小三昧上馬謂大三昧言去纏縛而就解脫也戲題味甘書屋憶及火候三昧因并識之

叢碧樓

書樓山寺後叢樾四圍鄰長夏陰猶茂過霖碧轉新露珠風動落爽氣曉來頻樓固恒享此得之在偶巡

西峪

西峪今年此始臨悠然山水暢人心長松夾谷清陰佈嫩蘚鋪茵宿露斟城外遙看歸牧馬墅前忽到聽鳴禽欲從靜處消結習却又無端啟緒吟

題有真意軒

有真意與無盡意曰一不可何況二而我每以相較量

是誠躁人辭多類

向每以此有真意軒與清漪園之無盡意軒相較量其實是一是二不落

言詮未如得意忘言也

雨餘山館灑然清鳥鳴其喜林空翠無色

聲天聳太初我亦忘言胥且置

秀起堂

巖蹊再上弗多遙秀起山堂據坦椒目見耳聞都遠俗
心怡神謐不期超雨時暢若幸今夏舊句前題似昨朝

正爾紆懷縑齊豫依然待澤為去聲心焦

靜含太古山房

詰屈下棧磴山房宛在茲設弗步屹嚙那此識幽竒太古自太古山房我所為然而非此房能含古則誰因悟
循蜚世不出方寸知太古瞬息間是語原平夷

閒吟

閒吟聊以消長夏月露風雲非所謀肝食宵衣敢懈體
慎終如始驗從頭外寧雖幸內無患

左傳范文子云唯聖人能內外無患

自非聖人外寧必有內憂其言深切事情是以戊寅西
師詩結句有但思文子言解朝守弗諄之句茲自伊犁
平定至今垂三十年仰蒙
安寶深欣慶惟有慎終如始宵旰天佑中外晏
北有收今歲直隸及山西陝甘均得透雨茲熱河一帶
尤極霑渥惟河南山東及淮徐等處二麥歉收
間成旱災雖北首有收
究難紓南望之殷也
待以十年方致政今艱後樂祇
先憂

題宣和王濟觀馬圖

馬癖能知馬性奇據牀解絆一觀之宣和妙寫意外意
逸爽人為寓不羈

詠文彭刻幽蘭尋句章

刻章用倒薤

見文彭自識語

尋句在幽蘭稱物芳之志殊觴佩

以歡古香蔚七字逸韻託三觀雖曰刀為筆原非漢氏官

河南巡撫畢沅奏報得雨詩以誌事

日日豫齊繫遠心衛輝茲報被甘霖河南北已數州遍

地遠近霑六寸深

河南山東望雨日甚一日茲據畢沅奏報六月初三日仰蒙

佑已獲甘霖衛輝所屬之汲縣濬縣獲嘉得雨五寸淇縣得雨三寸彰德所屬之安陽湯陰各得雨五寸懷慶

欽定四庫全書

御製詩五集
卷十七

所屬之原武陽武各得雨四寸現已上膏渥潤農民上
紫翻犁趕種糜穀早蒞及一切雜糧實為應時甘霽至
開封省城及附近州縣自前月廿八至本月初二三等
日每日皆有陣雨沾濡或三四寸一二寸不等合計已
得雨六寸又鄭州禹州滎陽滎澤臨漳武陟均續報得
雨四五寸民間乘時播種以待續沛甘霖內有低窪處
所日前得過微雨已種出土者更滋長發大河南北一
帶得此意外甘膏田功大起萬井歡騰實為慶幸等語
尚有欠優越堪憫雨但久乾之後尚盼甘膏接濟其餘
各屬待澤仍殷乘此地氣感通再行敬順祈求以望普
沾醴膏等語覽奏以手加額更虔求上蒼再需優
渥恩膏不遑弛念也莫云此足損忘欽

皇天幸不遺民乃山左猶希達好音

畢沅此摺由六百
里馳奏山東淮北

與豫省接壤是否同日普霑尚未奏到因
即降旨馳詢令其迅速覆奏以慰懸注

林下一首疊乙未韻

十千又逢乙九度憩斯便

丁酉戊戌二年未至山莊故云

畫幃老人目

筍輿內侍肩天倪意與合月脇句休穿

不為奇句也

迅矣稱

林下一旬非遠年

遊獅子園

朝出西北門山園近五里因對獅子峯園即名獅子

奎文賜一再

園門獅子園扁及樂山書院妙高堂皆

皇祖御筆書賜者

光煥躍龍邸侍膳緬

含飴趨堂思

問禮所以駐山莊憶舊每來此空言亦何當躬行在勉
爾

妙高堂

蘇子登臺趣名堂

御筆書

妙高堂為
蓋取蘇軾題

金山

皇祖

御筆題額

義

居高俯世迴得

妙自塵祛林海無央致水天惟一如昨年浮玉景南北

豈殊諸

松柏室

昔年松與柏歲久應叅天訝未赦斧斤

此園予曾賜果親王弘瞻為扈

蹕未棲息之邸後彼物故園補種重苑然實以名而存遂頽廢因重修葺仍為御園

宜照齋

西北城門入巖齋構向西率因僕役憩却異隱淪棲合
以夕陽至而觀宜照低每來與時迂楣額笑空題

就松室

古松不可移築室就臨之昔與今休論聲和色總宜慢
稱十八號曾閱吳義時坐久忘炎夏雄濤謾謾披

含青齋

石徑黃緣下山齋坦蕩臨底知室成久試看樹陰深可
以一時憩不妨五字吟昨宵過密雨翠濯萬瑤岑

松霞室

霞不約來去松常照古今視之如有別會者識無心色

映青松還赤霞聲叅寂霞與吟松壁張老人畫

是室壁間懸長

松圖女史陳書作自號南樓老人錢陳羣之母也 一例峙蕭森

山東巡撫明興奏報得雨詩以誌慰

河南報得雨因盼山東信茲閱驛章至三府霑透潤月

初十日據明興奏初六日夜在臨清途次雷雨交作甘霖普霑並據濟南府屬之齊河禹城德平東昌府屬之清平館陶武定府屬之惠民樂陵陽信及臨清州屬之鄆縣夏津各具報初五六等日得雨深透又沂州登州府屬亦具報初二日得雨三四五六寸不等覽奏為之稍慰 大田藉長發晚田補種

迅迤西之三府馳問續呈進

又據奏察看沿途情形已種之大田藉此長發未種

地方現已補種晚禾民情甚為歡慶惟兗曹濟三府尚未據具稟俟續有報到再行馳奏等語隨傳旨馳詢令其速行同日接畢沅開封轉氣運

天澤霈滂沱入土三四寸已種資勃生未種興犁奮各

屬率繼渥歡聲農父震雨處解宵憂一心增旰慎

是日據畢

沅奏省城於初五日清晨至午大沛滂沱傾注數時旋據祥符中年記水滎陽杞縣陳留尉氏蘭陽儀封通許洧川各稟報同日得雨各三四寸又密縣新鄭得雨四寸民間扶犁秉耜大起田功愁苦情形一變為歡愉景象又據藩司江蘭稟衛輝府屬之汲縣延津新鄉考城獲嘉輝縣封邱淇縣濬縣彰德府屬之安陽懷慶府屬之陽武原武溫縣武陟河南府屬之新安宜陽彰德府屬之武安懷慶府屬之河內脩武及許州襄城汝州寶

豐鄉縣均于初三初五等日各續得雨三四寸於失望之中符此厚望所有河北災重各屬普被恩膏尤為優渥等語覽奏為之額手因批諭與民共慶慰然不敢因慰而放意肆志豫省臣民應共知之仍勤耕作可也

熱

三日未霽雨頓覺炎歊甚此實夏之常鬱蒸養稟品設使恒爽涼禾稼那熟稔然而山莊中副名處多審風拂泉清籟曦度林佳蔭叶是昏堪避暑而況心靜稟獨憶扈蹕衆塵市囂堪恁

招涼榭

山莊稱避暑水榭曰招涼是日騰炎酷適此坐相佯喬
木佈蔭深崇岩落陰長加俯前溪澄亦有清波揚可以
捐紉扇寧須解葛裳西南吐英英釀勢其即霽

陣雨

六月初十日

族雲西南來陣雨東北去歔蒸一時湔颯風與之助階
除倏積水暑氣逃無處雲散碧天青誰問摩醯數
摩醯首羅

一念知三千大千世界雨滴之數
龍王降雨時悉能分數出華嚴經

安徽巡撫書麟奏報各屬得雨情形詩以誌事

河南淮之北大都春艱雨安徽接豫疆城門殃及苦
皇天生物心旋轉幸漸覩豫已降膏澤歛當被

恩普佇望佳音來茲詳報巡撫或霑四五寸或一二寸

許安省鳳潁泗各屬界連豫省入夏以來雨澤亦少茲據該撫書麟奏六月初一日行抵五河縣雷電交作

風雨驟至自戌至丑入土約三四寸已種之秋禾損覺
改觀未種者亦可翻犁補種又鳳陽臨淮先後二次得

雨五寸定遠泗州尤為透足溝池充滿徽州各屬得雨
三四五寸安慶屬之懷寧桐城廬州屬之合肥滁州屬

之全椒亦得雨一二寸不等餘俟報齊另奏等語得雨
四五寸以上者尚可及時耕種其一二寸之雨恐不能

滋潤晚耕是慰實不勝愁因批諭
今將現今若何之處迅速查奏
四五者可耕一二者

何補愁慰兩兼之慰不勝愁巨

詠官窑鑪

百圾冰紋裂五釘鐵色相海桑經以久薜暴亦其常已
是晨星宋那尋越器唐墨林齋裏物

鑪蓋內有項墨
林父秘笈之印曾

炷六時香

荷二首

昨宵過雨送輕雷初日芙蓉誅蕩開欲去陳言思北斗
歷觀四壁豈窮哉

納涼荷淨水風微
即景拈毫扇罷揮
花盛都因葉無恙
向年山莊缺雨草
茁較遲以致新荷
出水時為鹿所噬
今歲雨澤既優碧
草芊眠鹿舍荷食
芊所以荷葉較盛
詳見前荷葉詩
君民何異此相依

題蔣廷錫教漢蓮用圖中張照題句韻

塞湖聊別闖文鱗
留有香色無跡痕
侍臣奉

詔肖神韻霞映鍾
峯峯畔雲溫樹何
妨不可語粉本重

圖篋中貯

千葉蓮本教漢種
蔣廷錫扈從侍直奉

皇祖命移植山莊時
詔繪圖乃壬寅七

月事也此蓋其粉本更臨設色
者爾時內廷諸翰臣因共題詠

一時鴛侶各有詠東絹

年陳如宋楮紛出手眼期爭美得天詩句獨我喜箇間

識者胥古人

圖中題詩者張廷玉勵廷儀張照陳邦彥王圖炳汪應銓薄海等七人計康熙壬寅

年題是圖至今已六十年矣

不老祇剩斯君子白駒真似過隙間士

寅週復逾三年攜至山莊展六月依然相對教漢蓮

山莊

所植教漢十葉蓮每六月盛開今歲臨幸時攜此圖相對不辨是一是二也

此圖張廷玉等七人俱有題詠惟薄海詩詞氣不相

聯屬知其夙失學必有藍本竊取因命內廷翰林檢閱舊作果得明顧璘題許彥明白蓮詩卷云珍圖白

蓮何皎然盈鱗風露臨秋鮮又盛開欲落比雲散乍
疎復密如星聯宋范成大詠郡沼雙蓮圖云壓倒小
湖三級草增光後沼兩重蓮薄海乃剽竊舊句節去
二字連綴成篇向曾見其題唐寅溪山八景畫冊內
廷翰林自陳元龍以下八人皆對景拈毫而薄海所
題宿雨初收曉烟未泮竟直寫董其昌跋語因有薄
家獨藉董家題之句今是圖又復乞靈陳迹前題所
謂欲蓋彌彰者觀此益信因并識之

驟雨

六月十二日

適日燄燄甚作霖乍繫情倏看雲陣佈立見雨盆傾坐
席暑何往憑牕爽頓生片時空宇霽高樹夕陽明

煙雨樓喜晴作

六月十三日

山莊時雨復時晴過此何修敬畏生今曉霏霖畧覺久
過辰開霽慰迴忤祇欣黍穰都催實奚礙湖樓不副名

齊豫雖霑水未長

近日河南山東各屬雖陸續奏報得雨可以補種秋禾而河水尚未長發

漕船不能迅速尚望普霈甘霖也

殷期繼霈遠牽情

清閼閣對荷

文園獅子林二八景各撰惟餘清閼閣舊名存數典前
池種荷花六月春光滿朶為紅玉杯葉是青羅繖無礙
暑曦侵益有香風散亭亭淨植中啟沃殊不淺乍欲易
茂叔謂之曰懶攢

巢翠亭

合翠林扉延客開虛亭亦豈異巢哉謾言題額出新意

津逮人皇以後來

人皇以後有
巢氏出路史

題仇英畫九成宮簋頭

由來細筆擅仇英，士氣饒他院本精。
拾級鞠躬獻銘者，其人自是魏元成。

詠壺盧餅

壺盧模器始

康熙苑監相承法種之

壺盧模器者，皇祖命苑監於初生時製印模以規之，及成

文理宛然，餅稅諸惟意所命，至今勝木從繩無斧鑿御園內監尚存其法種之，每得佳器

肖金在治有鑪錘明雕漆異果園局宋製磁甕嬴修內司

踵事則然增華否慎言敷樸每塵思

澄觀齋

觀固由雙目澄原在一心則思貴知要非禮勿傍尋巒
靄無塵韻溪風有靜音拈題詎玩景觸處可為箴

翠雲岩二首

雨過綠油潑似新容容高下護嶙峋也知翠是雲假藉
久假惡知非有真

今年晴雨信惟時對壁看雲弗繫思設使時行向南界

作霖通漕也相宜

自驚

河臣六百里飛馳正是時行伏汛期未及披章先手顫

逮知覆奏乃心怡

六月十八日早河東總河蘭第錫摺由六百里馳遞時正屈伏汛聞有驛

章深為塵念竟致手顫及披覽乃覆奏漕船行走河道水勢情形始為稍慰

原因問去通漕

否却幸報來長上水宜

前因毓奇奏今年漕船行走較遲是以降旨詢問江南山東各

督撫等茲據蘭第錫奏東省師河啟閉節宣尚未稽遲惟臨清以北衛河淺弱以致船行稍滯嗣因上游得雨臨清衛河及汶河洳河均於六月初旬已長水自四尺五寸至二尺六寸不等現在水泉處處長發不但抵東

糧船行走充餘即傲山湖之水亦得藉資收蓄等語因復批諭又當得節以備明春之用更事多而老畏事自驚還復自嗤之

侍郎胡高望香差迴奏所經途次雨水田功詩以誌慰

頒詔行慶典抒誠祭嶽瀆以至古帝陵差臣分水陸高望值西路秦省及巴蜀去春迴以夏秦蜀甘雨足二麥既有收秋田可豐卜

胡高望奉差祭告嶽瀆陵寢迴奏經過陝西四川俱得有透雨川省

水田衍沃二麥豐收秋稼俱已插秧彌望青蔥等語晉

省途必經更予念所屬過以二月中實覺望澤篤歸途

五月杪普霑霽霖渥質之敷書言大吏實遲告飭諭疾

施恩民幸免窘酷

又據奏二月間經過山西平陽蒲州等屬農民正在望澤祈禱至五月二

十等日迴至蒲州平陽一帶均遇大雨麥收雖歉而現在乘時播種大田可卜有秋又於減糶緩徵之外賞卹

兩月口糧民情更為寧謐等語胡高望所奏過山西時尚在二月已殷望澤質之染敷書所奏乃三月時情形

自更迫切農起遲奏嚴行申飭並亟賑兩月口糧民賴以安

既入直隸境益北益佳

淑高下黍與禾綠雲芄滿目

復奏稱歸途所過井陘望都等縣俱得時雨播種齊

金涿州以北秋稼更屬茂發等語覽奏為額手稱慶惟益勵虔肅迎迓

麻和耳額手為民慶

謙受勵虔肅

裕親王廣祿八十生辰賜詩為壽

念我同

曾有幾人老來益與老年親春秋較長聲上正五歲福祿

駢臻值八旬善射兄今遜筋力

裕親王為世祖曾孫今年屆八十長於余

五歲向曾管理十五善射嫻於弓矢習蒐予尚勉精神兒孫拜合坐而受

今年六月二十七日為王八十生辰特遣皇八子永璘帶領皇孫縣惠綿億綿志綿懃齋御製詩章及扁聯如

意冠服等件往賜並令永璘等與王行禮王佳話天家
應坐受以見我朝家法隆禮親賢至意

貽萬春

雨

六月廿一日

昨近每細雨霏絲旋即晴今日辰至午作霖似時行情
知霖不妨大田方怒生未免望霽佳又覺意怏怏未牌
雲漸散申刻曦放晶時若有是哉

天恩錫蕃禎惟勵乾惕心惴惴凜持盈

適日

適日接奏章齊豫率霑雨

近據畢沅奏衛輝開封缺雨各屬俱陸續得雨又明興奏

東省克曹濟及登萊青沂望雨各府屬亦先後均霑渥澤農民得及時播種可望有秋却是淮徐

海及安徽屬府

江蘇之淮徐海三屬及安徽之亳州蒙城等處界連齊豫該督撫報雨祇一二

寸現在節逾大暑倘此時仍未渥霑則早象已成小民生計可慮因傳諭該督撫即行查明現在曾否得有透雨如有應撫卹者一面辦理雖亦報得霑惟一二寸許一面奏聞毋使稍有失所

旱災斯已成窮黎那免苦申命大小吏綢繆勤相輔運

河幸長水酌劑訓諭屢

今歲因運河水弱漕船行走較遲屢經馳諭河漕諸臣及

沿途督撫設法料理催趲前進亦弗過嚴令其盡棄所帶私貨以恤旗丁茲據薩載毓奇等奏六月十二日卸宿一帶運河水長足敷浮送又蘭第錫奏臨清衛河及汶河沁河均於六月初旬長水自四尺餘至二尺餘不

等抵東糧船行走充餘江境幫船亦能迅
速通行源源入境等語覽奏為之稍慰

不辭言之煩

疇咨盡心所

留京王大臣奏報晴雨時若詩以誌事

京畿今歲雨暘時愈北愈佳鮮遇斯

自五月以來屢經王大臣等奏報京

師雨澤霑足且晴雨相間田禾暢發北路
及口外地方尤為霑透實近年中所僅見齊豫深憂幸

恩逮歛徐旁及反映隨

向因河南山東早暵較重時刻
繫懷嗣據該撫等奏報各屬均

陸續得有透雨農功大起可為欣幸而下江之淮徐海
及上江之亳州蒙城等處界連齊豫轉未得霑渥澤此
時節逾大暑再遲恐成旱災已降旨馳詢該督撫即速
查明現在情形如有應撫卹者一面辦理一面奏聞刻

下尚未據續報得雨實深縫念也

欲移霽霈此霖往却向淺淤彼漕施

此間甘霽優霑固為欣慶而邳宿一帶運河雖據報長水究欠充足惟籲

思膏普沛俾得酌盈濟虛遠近

均霑庶慰宵旰虔祈耳

一日萬幾心萬里終無片刻得心怡

敞晴齋得句

巖齋居極北敞晴名已久以遙弗頻到到必快霽後恰似標貞符神暢心無咎露葉閃光晶風枝絕塵垢開牕爽氣來量物隨所受此樂不易得惟在占農阜

繪韻樓

礪葉林枝颺霽風憑牕六法玩非雄可知此繪不關筆
祇在無聲有韻中

蘊奇齋口號

開惑曾經著論辭闡疆二萬詠西師古稀天子元孫抱
視若多奇有底奇

題山近軒

一壑隔兩峯便覺有數里嶺巒厯深邃峻削遵迤邐於
焉造巖軒弗過片刻耳坐望蘊奇齋原似在尺咫題額

號山近山近趣如此

清娛室

齋惟取其曠室則貴其奧溫涼各有宜人工合天造叶
而我更思之清實皇朝號所期萬民娛自收萬年效豈
其在遊目山林之迴妙

延山樓

已在萬山中何用更延山蓋人之於得知足實甚難所
以漢蕭王望蜀曾有言樓牕四面開騁目無遮欄橫嶺

與豎峯紛呈座席間延者固無意來者亦非緣是謂聃
筦倪可以破天慳

古松書屋作歌

書屋據最高以高弗煩至我興人則肩恐乖忠恕意今
朝過雨山風涼數息徑造山之堂童童佳蔭送謖籟如
遇故友把臂相徜徉於斯豈可作常語夢中之我得非
汝

夢書曰松為人君夢見松者見人君也

而我居然稱古稀視汝之古不

啻太倉之粟一粒黍

詠方竹杖

扶老堪稱壽辭林弗憶青節原性所具方是義之形王
帖閒而擬武銘敬可聽微憐仲宣土不及故亭亭

丁雲鵬山水

綠水青山淨以妍不瀛島亦即金田箇人偶作尋常景
薰習還如寫佛仙

題漢玉二器

肉好大於錢土華彬穆然謾疑子弗執曾見耐金年

右小穀壁

容容絳雲紉英英銀月吐以有可欲存寸珍亦出土

右小圓珮

命加給安徽省亳州等州縣一月口糧詩以誌事

正望安徽被霖信誰知信至反增愁

日內盼望安徽省報雨之信茲據書麟

奏到通省各屬仍未普得透雨已遵照前奉諭旨將亳州等十二州縣鳳陽等三衛屯軍分別酌借籽種口糧

等語覽奏八州縣缺雨於夏萬老幼殷晚種秋

又被早較

重之亳州蒙城宿州靈璧泗州五河盱眙天長等八州縣因亢旱日久農民不能趕種大田其無業極貧下戶

覓食維艱等語因降旨將亳州等八州亟命口糧加以縣貧民賞給一月折色口糧俾資生計

賑幸因漕米截而留

亳州等處除分別借給籽種口糧外又將無業貧民賞給一月口糧外

先是因安徽省鳳陽亳州等處界連豫省屢經降旨馳詢並即降旨於三進漕船內截留漕糧五萬石以資接濟

茲加恩賑給幸因儲備有資毋庸另為籌辦矣

豫之波及豫霑渥澤如何速

問郵

安徽省被旱原因豫省波及茲豫省已報得透雨而安徽省轉缺但豫省久旱之後又望續霑濃膏方於

禾苗長發有益因再傳諭畢沅令其將近日曾否續得透雨并田禾情形再行查明迅速馳奏

題和闐王松亭延客圖

俗手難為壘與觚也知纖巧不侔吾琢成畫景聊堪詠

視此松亭延客圖

佇立松風碧水濱步橋來者且逡巡刻舟底用求名姓
逆旅間非主即賓

兩江總督薩載等奏漕運事宜詩以誌事

中河歲久淤故有事疏濬利漕兼利旅費帑吾不吝水
性本就下一洩戒其迅所以當建牕圖止以為進從前因運

中河歲久淤墊經薩載李奉翰奏請挑濬並請估建牕
兩座以時啓閉乃該督等於挑濬運中河時並不趁上
游未放水以前及早趕建牕座以致水無攔蓄就下
之勢一瀉無餘致漕運阻滯該督等實咎無可辭奈

何既濬深置牕於不問鋪水藉微湖就下放河盡叶恰

值春雨短漕舟礙難運起剥封民船官私兩受困遂有

截漕議輿情所弗論

水運中河既因未建牕座致上游放水鋪槽毫無攔蓄就下流入河又

值今春以來淮徐一帶缺雨南漕北上時節淺阻礙難前進以致封船起剥官私兩受其困漕臣毓奇張皇

無計遂奏稱本年二進浙江漕船計算過天津時已在九月下旬到通即虞凍阻三進江廣船北上為時更晚

勢不能抵通蓋意在截留漕船而弗為通盤籌畫不知京都之地商賈資南貨者多且于正供輿情兩弗順也

以此屢申飭籌度即愁悶自慙躁辭多無非體衆願茲

各知其誤竭力自愧奮

此次因漕船淺阻甚為懸念節次傳旨馳諭該督等悉心籌畫

欽定四庫全書

御製詩五集
卷十七

三十七

務令多抵通一幫即多得一幫之益茲始據薩戴李奉
翰毓奇等奏今歲重運濡滯實因從前未曾先事預籌
早建牘座所致實深慙懼等語 幸緣時行雨水長上機
雖知誤愧奮然言之已晚矣

畧順全運雖艱至八分或堪趁

薩載等又奏邳宿運河
近因雨水下注長水各

淺處俱有三尺四寸至四五尺不等頭進漕船全數
入東省境二進尾幫已過古城溜三進幫船未渡黃者
止以十期全數現詣交界處所會同毓奇催令各船晝夜挽
運以期全數抵通等語看此情形即或全數不能到通
亦可得十分 弗慰仍為愧愧未事前訓此次漕運阻滯
之七八矣 總由上年建牘
遲延所致設于事前即預為降旨令建牘座則
水有攔蓄足資浮送應不致有此次之誤矣

雨

六月二
十七日

昨夜霏絲直達晨或疎或密遂侵申明知溽暑時行際
實願快晴其叙頻可識欲多愁亦夥却非為已切乎民
晚雲散盡夕陽朗額手慰哉倍悚寅

即事

河南山東雖得雨為塵繼澤屢問之

前此河南山東得雨尚未普偏優渥

屢經馳諭傳詢令其由驛速奏

一朝兩省報皆至胥稱繼被甘膏施其

間分寸雖不一大抵補種出土齊青葱一望無隙地若

得續沛秋可期

茲于六月二十七日據畢沅奏二十二日開封省城霽澤優霑自晚及明入土

三寸餘現在雲氣往來雨勢甚廣河南北州縣前俱連獲濃膏衛輝一帶尤為暢足所有晚穀糜子雜糧俱出土齊全其先種低田有長至七八寸至尺許者又同日據明興奏濟南東昌武定萊州青州臨清各屬稟報於十六十八等日得雨二三四五寸及深透少間聲農起不等秋成可望有收等語覽奏為之稍慰

奏復至則稱閩省渥雨滋秋稼芄茂可望稔米糧價減

無居奇

同日復接農起奏省城於六月十七日大沛甘霖入土尺餘秋糧茂密青葱倍常長發通省各

府州屬先後稟報得雨四五六寸及深透不等省北地方早禾已含苞吐穗通省農民咸以豐收在即共相慶幸市集米價亦漸平減等語三省同時報到仰荷天恩轉災為福實為吾民欣慶也向因三省

憂旱切茲則旋轉蒙

天禧而何迤南翻缺澤淮徐安徽愁霖遲截漕一再備

賑恤申命有司慎妥為

北首雖蒙渥澤而淮徐安徽雨澤尚缺旱象已成前經降旨淮

徐截漕十萬石安徽五萬石外茲復加恩於三進江廣幫船內再行截留十萬石以備安徽賑恤之用飭令該

督撫董率有司實心經理毋致災黎失所

自吾山莊來駐蹕蓋無一日展愁

眉尋思此愁寧可少

皇祖深思念在茲

再題張宗蒼松風溪閣用甲戌原韻

溪閣松風水墨圖不須丹抹與青糊重題辰戌三逾甲

一瞥白駒影弗殊

紀實

失脚踏溪癸卯年

憶丁亥年於長虹飲練橋側曾用火
梧墮一鷗鷯有詩紀事前年癸卯復

於此處見一鷗鷯欲用梧擊之不期失足
落水茲過橋偶憶其事因成此詩紀實 衣衫未濕即

登船因艱步履益老耳弗慎起居為恧然問類馮河答

子路事殊賞節駭忠賢

明天啓值端陽日於西苑共小
瑞泛舟忽風起舟覆墮水趣忠

賢與客氏乃坐大舟上飲宴相顧驚惶事見酌中志彼
以童駿嬉遊予因老猶習武其事不侔但究非慎重觀
過可原如君子過而已紀實防他訛以傳

知耳

觀瀑二首

試云觀瀑合何時合是炎歊庚伏宜甫向岩前行住步
滌將暑氣淨無遺

曰聲曰色覓無從振鷺飛來擘碧峯萬籟寂中清響送

珠源寺報午時鐘

是處近
珠源寺

題永恬居

瀑水掛前川其源卽川裏曰斯永恬居隔川近尺牖霽
景拂爽涼尋勝聊爾陟岡循一徑憑牕俯萬綺不息

復不懂悟此居安理

素尚齋

居在前而齋在後由居拾級乃登齋恬如以造素之境


次第工夫

聖者懷

創得齋

遵溪西北上一谷沿崔嵬谷窮稍屹嵒細徑松門開拾級登石磴蕭然宛到齋適值晴景佳峭蒨青蔥排朗照

無定中而有清風來畫家弗能繪斯即創得哉



御製詩五集卷十七